

水

地

記

乾隆丁酉夏四月飲於同年程吏部魚門米市街衙屬假
是二書歸抄之本地記乃戴東原先生二十餘年前流傳
之書也魚門元廷云未定本蔡之夏東原寓于洪刑中
素人元處見其取著本地記未嘗編次置一大篋中手檢
以相示及抄得是本與東原語及東原曰是年葉若不足
存也遂出其已茂之第一卷見付後五日三月十七日而東原
卒矣檢其遺藁則皆整比彙者未編而未及外中第四
第六二冊又不知何人借去惜哉人琴俱亡矣因裝葉若

青澹流江王合水經乃東原謂其未知地師者以其假
俱自魚門也遂并于後六月初七日七孔位法法者于青堂影

水地記

中國山川維首起於西尾終於東河水所出其地曰崑崙之虛其山曰紫山

禹貢織皮崑崙析支渠搜西戎即叙崑崙今西蕃名
枯尔坤譯言崑崙也有三山曰阿克塔沁曰巴尔布
哈最西而大曰巴顏哈喇其色紫黑產金銀蕃語謂
黑哈喇謂富巴顏故納斯稱自山東北至西寧府界
千四百餘里唐長慶元年大理卿劉元鼎為吐蕃會
盟使使還吐蕃傳記其所經見曰由洪濟梁西南行
二千里水益狹春可涉秋夏乃勝舟其南三百里三

山中高而四下曰紫山直大羊同國古所謂崑崙也
虜曰閭摩黎山東距長安五千里河源其間流澄緩
東北直莫賀延磧尾殆五百里磧廣五十里北自沙
州西南入吐谷渾寢狹故號磧尾隱測其地蓋劔南
之西唐會要大羊同國東接吐蕃西接小羊同北直
于闐東西千里儀鳳末屬於吐蕃此所言紫山與今
巴顏哈喇符崑崙之山三成故爾雅釋邱曰三成為
崑崙邱元使求河源誤以禹貢之積石為崑崙而自
昔相傳禹本紀山海經淮南鴻烈及水經諸書所言
崑崙河源輾轉蹈襲鮮能證實史記大宛列傳張騫

使西域還為天子言于寘之西

寘開古水皆西流注

西海其東則東流注鹽澤鹽澤潛行地下其南則河

源出焉多玉石河注中國而樓蘭姑師邑有城郭臨

鹽澤鹽澤去長安可五千里鹽澤今西蕃呼羅布淖

爾在安西府西少北邊外此明言河注中國源出鹽

澤南下乃云其後騫死漢使窮河源河源出于寘其

山多玉石采來天子案古圖書名河所出山曰崑崙

云則于寘河注鹽澤者之源非騫所指注中國河源

也漢書西域傳西域以孝武時通在匈奴之西烏孫

之南南北有大山中央有河東西六千餘里南北千

餘里東則接漢阮以玉門陽關西則限以蔥嶺其南山東出金城與漢南山屬焉其河有兩源一出蔥嶺山一出于闐于闐在南山下其河北流與蔥嶺河合東注蒲昌海蒲昌一名鹽澤者也去玉門陽關三百餘里廣袤三百里其水亭居冬夏不增減皆以為潛行地下南出于積石為中國河云玉門關在故壽昌縣西百一十八里陽關在縣西六里壽昌本漢龍勒縣地今安西府西百五十里有壽昌城鹽澤去玉門陽關千三百餘里前後漢書皆脫去千字山海經雖語多荒略雜然不一其說然亦間有據依其一云敦

薨之山敦薨之水出焉而西流注于沕澤出于崑崙
之東北隅實惟河源郭景純注云即河水出崑崙之
窟鄴道元水經注序敦薨之水自焉耆國北逕連城
渠犁南流會于闐蔥嶺水注沕澤沕澤亦鹽澤異名
此同於張騫所指中國河源由鹽澤潛行地下南出
殆有見于所謂星宿海者其泉千百泓散如列星疑
為于闐蔥嶺千有餘里之水伏而復出歟今番人亦
多言鹽澤南磧地數百里往往有小水上出成澤為
潛行之徵考之禹貢於西戎舉其大者三國崑崙屬
國名則所駭固不一山而中國河源所出之山最顯

著耳爾雅河出崑崙虛亦不曰山察其地勢山脈自

紫山西連犛石山今西番呼巴撒通拉木在喇撒伊

打箭爐西北三千四百八十里無又南迤西連接恒

城有大廟西番呼伊克招

水所出山今番語呼岡底斯者譯言羣山水根也值

里百餘縣互二千里皆古崑崙之虛也犛水出犛石山

與河源相去厯三百六十餘里中隔一嶺即巴顏喀

喇之嶺犛水亦呼犛牛河語之轉為麗水今名金沙

江西番呼木魯烏蘇至喀木境近雲南麓又呼布賴

楚明洪武十一年命宗泐往西番十五年還宗泐言

河源出抹必力赤巴山番人呼黃河為抹處犛牛河

為必力處赤巴者分界也其山西南所出之水則流入犛牛河東北之水是為河源必力處即布賴楚聲之轉也岡底斯水經注謂之阿耨達山直古且末國南隋大業五年初平吐谷渾於且末城置且末郡唐貞觀八年遣李靖等攻吐谷渾靖督諸軍經積石河源至且末窮其西境水經注序阿耨達山數水其北流者逕且末城西左會于闐蔥嶺之水入鹽澤西流者逕于闐安息右會蔥嶺西流之水入雷翁海恒水則南流入南海用是知由岡底斯延絲而西北抵蔥嶺實羣山之大脊山海經西海之南流沙之濱赤水

之後黑水之前有大山名崑崙之邱此語亦有據依者之一西海漢志為僊海水經注一名卑禾羗海一名青海流沙唐書所稱磧尾赤水今之金沙江黑水今之潞江怒江亦作應邵曰禹貢析支屬雍州在河關之西東去河關千餘里羗人所居謂之河曲羗司馬彪曰西羗者自析支以西濟于河首左右居也後漢書作賜支永元中迷唐率部落遠依賜支河曲涼土異物志曰古渠搜國在大宛北界據是言之河源已南唐吐蕃今西藏之境古崑崙國在焉積石已東北今青海之境古析支在焉而漢通大宛西域踰蔥嶺而

西古渠搜在馬三地大小諸國通稱西戎繫于雍州
形勢蓋可得而詳也

河北之山崑崙東千里而近曰積石

禹貢導河積石其山自紫山岐分循河北岸而東積
石之西紫山之東臨星宿海者曰布虎吉魯魁亦名
枯尔坤山有數峰又東曰阿克塔齊欽有兩峰望之
如馬耳又東曰烏藍得什南至扎凌淖尔四十里山
高大頂平又東有巖巖險多瘴氣曰牟布拉克西南
至鄂凌淖尔五十里又東曰寒多嶺又東大山曰馬
尼圖西南至鄂凌淖尔百二十里其崕壁有昔人刻

識又東曰碧柳園三山

其南有山狀如牛曰河喇克沙兒值黃河南流之東岸

又東曰密里克西至河濱八十里山有峰如屏

相連

安曰布

又東禹貢之積石也值西寧邊外西南五百餘

里漢志金城郡河關積石山在西南羗中是也河關

故縣在今西寧府西南邊外番語謂祖阿木尼謂色

斑駁瑪勒占謂冰水遜故呼積石山曰阿木尼瑪勒

占水遜其山有九峰繚互三百餘里河行山南繞東

麓轉西即梁寅河源記所言河繞山之三面如玦然

其西南山值河之東曰哈爾吉東有山二峰高峻曰

阿木尼殼懇古尔板

凡曰阿木尼者皆番人所望祭大山

河西轉之左

曰烏藍芒奈有嶺北枕河曰哈爾吉盛夏積雪多瘴
氣元史地理志都實言甘思東北有大雪山多亦耳
麻不莫刺其山最高譯言騰乞里塔番語謂天騰乞
里曰塔者言平
坦即崑崙也山腹至頂皆雪冬夏不消此云崑崙者
誤水經注唐述山隋唐間始有小積石之目魏王泰
括地志云大積石山在吐谷渾界小積石山在枹罕
縣西北縣今河州元和郡縣圖志鄯州龍支縣在今西寧
府農伯縣
南積石山在縣西九十八里河州枹罕縣積石山在
縣西北七十里又云四瀆之中河源最高從高注下
其流峻急禹貢導河積石至于龍門又曰導洛自熊

耳按洛水出上洛西山經熊耳之北所言尊者皆謂
紀所施功不必自其源也則吉甫直以小積石當禹
貢之積石而為之說此山在鄜道元注水經時尚不
名小積石而太子賢注後漢書杜佑作通典乃與李
吉甫同誤後儒以之解經至元人遂誤以大積石為
崑崙矣河之西岸青海西南三百餘里曰占尔板依
馬圖三山多羅淖尔在是山之麓東北曰蕪羅巴顏
哈喇多冷瘴山有石崖色黑其東嶺曰蘇羅嶺在青
海南少西二百餘里河北岸青海南百里有岡曰巴
尔拖羅海岡環青海十有五山番人皆呼烏尔圖青

海中小山曰龍駒島近西岸有峰曰插漢東西對峙
魏書吐谷渾傳青海周圍千餘里海內有小山每冬
冰合後以良牝馬置此山來春收之所生之駒號為
龍種吐谷渾嘗得波斯馬放入海因生驄駒能日行
千里世傳青海驄者是也隋書大業五年置馬牧于
青海渚中以求龍種無效而止

鮮水西北白龍堆沙之東曰三危是山不協禹貢之文
其名蓋後起也

鮮水今之青海番名呼呼淖尔值沙磧之東西寧府
之西肅州甘州之南積石之北漢志敦煌郡正西關

外有白龍堆沙蒲昌海西域傳鄯善本樓蘭國最在東垂近漢當白龍堆乏水草元和郡縣圖志沙州燉煌縣三危山在縣南三十里山有三峰故曰三危邊衛志白龍堆在沙州衛西沙形蜿蜒如龍或十餘丈或四三丈變改無定東倚三危北望蒲昌為極西要路三危山在衛東南衛本漢敦煌郡考之虞夏書曰竄三苗于三危曰黑水西河惟雍州曰三危既宅三苗丕叙曰華陽黑水惟梁州曰導黑水至于三危入于南海河既行積石之南東北屈曲過雍州之北折南左右冀雍之間為龍門西河南抵華陰而河所出

山自枯尔坤西南接岡底斯西北為于闐南山直抵
蔥嶺則河北之水不得絕之而南以入南溷今所謂
三危山者其下亦無水逕通為賁之黑水三危不在
河北甚明屈原賦天文篇曰黑水玄趾三危安在
河源之西南三百餘里為金沙江之源又東南五百
餘里為潞江之源四周大山中平野有澤曰希哈潭
爾當大流次之東其水西北流百
餘里為額尔机根潭爾又東北流八十里為衣達潭
爾轉而東南百五十餘里為哈刺潭爾水色深黑故
西番名是水曰哈刺烏蘇蘇潞江自發源即成池三皆
番語謂黑哈刺謂水烏蘇蘇潞江自發源即成池三皆
黝黑北在喇撒伊克招其池殆所謂玄趾者歟三危蓋
其所經之地歲久名湮無從證實耳崑崙析支禹貢

于雍州言之此水導源三池去河源金沙江源不遠
三源歧置如野足皆在岡底斯東北然則雍之西南
境至此水上游梁之西境至此水可無疑也左氏春
秋王便詹桓伯辭於晉曰先王居橧杙于四裔以禦
螭魅故允姓之姦居於瓜州瓜州漢敦煌也允姓所
居在瓜州三苗所居在三危後世失傳而一之因命
一山為三危而禹貢三危久沒于西戎周人已莫能
言其處瓜州直析支西北三危蓋值崑崙東歟

北
迤東曰嘉峪

山在今肅州西七十里山之西麓即嘉峪關讀史方

輿紀要云國初收河西地西抵玉門北至沙漠而仍以嘉峪為中外巨防

弱水所出山曰窮石

淮南子言弱水出窮石漢志張掖郡刪丹桑欽以為導弱水自此西至酒泉合黎許叔重說文解字岫山或曰弱水之所出而十六國春秋又謂之蘭門山括地志蘭門山一名合黎一名窮石山在刪丹縣西南七十里以弱水所出山無有合黎之目蓋誤

北迤西曰合黎

禹貢導弱水至于合黎其山在今甘州府北四十里

西北至高臺縣石峽口延袤三百里石峽口在鎮夷城西北七里亦名羗谷口漢志之羗谷水今呼張掖河俗呼黑河蓋弱水之別源鎮夷城東南至高臺縣百二十里縣舊為高臺所陝西行都司志云黑河在高臺所北二百步在鎮夷城西四里又云傍合黎山出羗谷口北入亦集乃界元有亦集乃路在甘州東北千五百里其東北大澤即居延澤也

河湟之北大山曰祁連山

山在今肅州南百六十里張掖縣西百里之黎園堡南九十里西河舊事祁連山在張掖酒泉二郡界上

東西一百餘里南北百里有松栢五木美水茂草山中冬溫夏冷宜牧放牛羊充肥乳酪美好焉耆山東西百餘里南北二十里水草茂美宜畜牧與祁連同匈奴失祁連焉耆二山乃歌曰亡我祁連山使我六畜不蕃息失我焉耆山使我婦女無顏色焉耆一作焉支元和郡縣圖志甘州張掖縣今甘州府治祁連山在縣西南二百里刪丹縣元以後作山丹今屬甘州府西至府百二十里焉支山在縣東南五十里今縣東四十里曰石峽堡山在新河堡南五里石硤唐書吐谷渾傳湟水至濛谷抵龍泉與河合故舉世謂西戎地曰河湟元史地理志朱思本

曰湟水自祁連山下正東流千餘里注浩疊河與黃

河合

踰緒野之南河西大山曰賀蘭山

山在今寧朔平羅寶豐三縣西界元和郡縣圖志靈

州保靜縣

在今靈州東北接寧夏縣界

賀蘭山在縣西九十三里

山有樹木青白望如駸馬北人呼駸馬為賀蘭故名

其山與河東望雲山形勢相接迤邐向北經靈武縣

在靈州

又西北經保靜西又西北經懷遠縣西今寧

夏府

又北經定遠城西

城在新渠縣北南至府六十里

又東北抵河

其抵河之處亦名乞伏山從首至尾有像月形南北

約長五百餘里真邊城之鉅防山之東河之西有平
田數千頃可引水灌溉如畫收地利足以贍給軍儲
也宋景祐以後西夏據有其地建宮山上山徑五十
餘所寧朔縣西南赤木口尤屬要路可容千馬平羅
縣北四十里打磴石為山後要路漢志武威休屠澤
在東北古文以為儲塹澤姑臧南山谷水所出北至
武威入海今涼州府鎮番縣北有武威故城水經注
云在姑臧城北三百里姑臧即今武威縣東北至鎮
番縣二百里陝西行都司志姑臧南山在涼州衛西
南百二十里雪山在永昌衛南百八十里與涼州南

相連炎夏積雪不消亦名祁連山

涼州衛今為府永昌衛今為縣東南

至府百六十里

今考祁連延袤千里自酒泉張掖至此山勢

相接本一山之所盤迴今寧夏有侍郎通智河源叙

碑刻其文云臣通智等奉命西行用繩丈路儀器測

量沿河繞行徧歷河源並金沙江鴉蘆江浪滄江怒

江等源過西藏三千里抵恒河源而回巴顏哈喇山

在西寧邊外千四百五十六里形勢自金沙江源至

此從此枝分其向西北而下者為三危等山繞沙州

安西等處抵嘉峪關直達喀爾喀地

在黑龍江之西鄂

羅斯國之北

東向而下者分隔黃河北西海南至西

寧向北而下者至阿木尼額庫山

北在青海西二百里循西瀕

北邊盤旋大通河源

即浩疊水元史地理志朱思本曰源自州丹縣南對丹山下東

南流七百餘里注湟水

為甘肅涼之祁連合黎龍首焉支等山

龍首山在丹縣西二十五里邊外

重巒相接抵寧夏為賀蘭山其

向東南已下者沿黃河南岸統至洮河源西傾山分枝四布抵階文松潘散為大小諸山此所序于形勢脈絡大致不爽

北河之北高闕東曰陰山

河行三受降城之南謂之北河河北大山隨地易名通得陰山之目史記趙武靈王築長城自代竝陰山

下至高闕為塞秦始皇三十三年西北斥逐匈奴自

榆中

徐廣曰在金城今蘭州府治本漢金城縣

並河以東屬之陰山

徐廣曰在

五原北五原故城在九原城西

以為三十六縣城河上為塞又使

蒙恬渡河取高闕陶山

在今歸化城南百六十里

北假中

裴駰云北假北

方田官主以田假與貧人故云北假

築亭障以逐戎人漢書竟寧初呼

韓邪願保塞因議罷邊備塞吏卒郎中侯應曰北邊

塞至遼東外有陰山東西千餘里草木茂盛多禽獸

本冒頓依阻其中治作弓矢來出為寇是其苑囿也

孝武出師征伐斥奪此地攘之於幕北建塞微起亭

隧築外城列屯戍以守之然後邊境得用少安慕北

地平少水草多大沙匈奴來寇少所蔽隱從塞以南

徑深山谷往來差難邊長老言匈奴失陰山之後過

之未嘗不哭也水經注河水屈而東流為北河漢武

帝元朔二年大將軍青絕梓嶺梁北河是也東逕高

闕南山下有長城長城之際連山刺天其山中斷兩

岸雙闕善能雲舉望若闕焉即狀表目故有高闕之

名也自闕北出荒中闕口有城跨山結局謂之高闕

戍自古迄今常置重桿以防塞道自高闕以東夾山

帶河陽山以往皆北假也陽山在鐵柱谷西北二百

六十里南至黃河鄂尔多斯界五十里今為尾刺所居本中受降城地始皇三十三年

起自臨洮東暨遼海西竝陰山築長城晝警夜作民
勞怨苦故楊泉物理論曰秦始皇使蒙恬築長城死
者相屬民歌曰生男慎勿舉生女哺用鋪不見長城
下尸骸相支柱其寃痛如此矣舊唐書高闕北距大
碛口凡三百里元和郡縣圖志三受降城景雲三年
張仁愿所置先是朔方軍北與突厥以河為界河北
岸有拂雲堆神祠突厥將入寇必先詣祠祭醮求福
因牧馬料兵而後渡河時突厥默啜盡衆西擊突騎
施婆葛仁愿奏請乘虛奪取漠南之地於河北築三
受降城首尾相應絕其南寇之路從此六旬而三城

俱就以拂雲祠為中城與東西兩城相去各四百餘里遙相應接北拓三百餘里於牛頭牟那山北置烽堠千八百所自是突厥不得度山放牧朔方無復寇掠減鎮兵數萬人西受降城東南渡河至豐州八十里北至磧口三百里中受降城北至磧口五百里故本古城在中城北四十里鄭虔軍錄曰時人以張仁愿河外築三城自古未有今故本城周萬八百七十二步濠塹深峻亦古之堅守賈耽古今述曰以地理求之前代九原郡城也東受降城東北至朔州四百里北至磧口八百里今考唐開元二年移安北都護

府治中受降城貞觀二十一年鐵勒回訖等十三部
 都護府其東置翰海都護府為翰海移置於北曰訖部落而
 年改燕然都護府於雲中古城號雲中又改翰海都護府
 徙翰海都護府於雲中古城號雲中又改翰海都護府
 州悉隸翰海南隸雲中總章二年又改翰海都護府
 為安置屯田二十一年置朔方節度使於靈武三受
 降城皆屬焉天寶初王忠嗣置振武軍於東受降城
 東百餘里本漢成樂縣東南去今大同府三百餘里
 賈耽古今述云振武城在朔州北三百五十里續通
 典云其地據陰山之陽黃河之北其北七十里有黑
 沙磧是也天寶八載朔方節度使張齊邱於木刺山
 築城號橫塞軍以郭子儀為軍使胡語謂之可敦城

東去中受降城二百餘里十二載安思順奏廢軍請

於大同川西築城改名天安軍即隋大同城故墟薛

詰永清柵即隋大東去木刺山二十里去中受降城

二百二十里西北去西受降城百八十里乾元中

復西南移四里寄治永清柵柵木開元號天德軍元

和六年李絳言振武天德左右良田萬頃請擇能員

開置營田可以省費足食於是詔以韓重華為振武

營田和糴水陸運使起代北墾田三百頃連二歲大

熟請益募人為十五屯屯置百三十人而種百頃令

各就高為堡東起振武轉而西過雲州界極於中受

降城出入河山之際六百餘里屯堡相望寇來不能
為暴人得肆耕其中少可以罷漕輓之費朝廷從其
議列柵十二墜田三千八百餘頃歲收粟四十萬餘
石既而請益開田四千頃則盡可以給塞下五城天德
夏五城之軍議格不行元和七年河溢西受降城南
面多毀壞八年振武師李光進請修城燕理河防李
吉甫請移治於天德軍北城李絳盧坦以為舊城當
磧口據虜要衝得制匈奴上策又豐水美草邊防所
利今避河患退二三里可矣柰何捨萬代久安之策
為一時省費之謀况天德故城僻處确瘠去河絕遠

烽候警急不相應接虜忽唐突勢無由知是無故而
感二百里也城使周懷義秦利害與絳垣同上卒用
吉甫策九邊考自陰山而北皆大磧磧東西數千里
南北亦數千里無水草不可駐牧中國得陰山則乘
高一望寇出沒踪跡皆見必踰大蹟而居其北去中
國益遠故陰山為禦邊要地陰山以南即為漠南彼
若得陰山則易以飽其方而內犯此秦漢唐都關中
必逾河而北守陰山也

河曲外曰綠胡山

山在歸化城之西河水西來觸山麓折而南漢志雲

中郡栢陵

其故城在歸化城之西河東為

緣胡山在

西北水經河水又東過雲中栢陵縣南又東過沙南縣北從縣東屈南過沙陵縣西鄜道元注云河水南入栢陵縣西北緣胡山歷沙南縣東北兩山二縣之間而出余以太和中為高書郎從高祖北巡親所逕涉縣在山南北去雲中城百二十里縣南六十計里有東西大山山西枕河河水南流脈水尋經殊乖川去之次似非闕究也

汾水所出曰燕京之山桑乾水所潛也

山在寧武縣西南四十里漢汾陽縣地山之盤踞

地異名曰管涔山曰樓子山曰蘆芽山漢志太原郡

汾陽

故城在今陽曲縣西北九十里

北山汾水所出水經注云山海

經管涔之山汾水出焉十三州志曰出武州之燕京

山亦管涔之異名也其山重阜倚巖有草無木泉源

導於南麓之下蓋稚水濛流耳

今泉源所出曰樓子山在寧武縣西南六十

里又云桑乾水潛承太原汾陽縣北燕京山之大池

池在山原之上世謂之天地方八里餘其水陽燠不

耗陰霖不濫無能測其淵深也古老相傳言嘗有人

乘車于池側忽過大風飄之於水有人獲其輪于桑

乾泉故知二水潛流通注矣池東隔阜又有一石池

今名元池在天
池東七里許

方可五六里清深鏡潔不異天池元
和郡縣圖志云靜樂縣本漢汾陽地管涔山在縣北
百三十里天池在縣北燕京山上後魏孝文帝以金
珠穿魚七頭投此池後亦于桑乾泉得之

汾西河東自燕京別而南離石水所出口梁山

山在今永寧州東北百三十里東接交城縣界北連
赤嶺嶺接嵐縣界西踰谿谷為臨縣一名呂梁禹貢
冀州既載壺口治梁及岐舊說云壺口在冀州梁岐
在雍州從東循山治水而西蘓子瞻云梁岐二山在
雍州今于冀言之者因河而言非以二山為冀州之

地也。曾彥和云：壺口梁岐一役也。其施功皆同時，不可分言于二州。故併言于冀也。王伯厚因學紀聞云：治

梁及岐，苦從古注，則雍州山距冀州甚遠。

閻百詩云：梁山與壺

口北隔一河耳，不得謂甚遠。考伯厚之言，乃以自梁及岐，其東西相去甚遠，不當偏舉一梁山，議其語有

參漏壺口太原不相涉，鼎以道用水，經注以為呂梁，振

岐，鼎氏王氏之說是也。考禹貢之文，自西而盡于東

故先壺口，以見龍門西河就治，而次梁岐，次太原，岳

陽次覃懷，次衡漳，或舉山，或舉地。梁岐之西水歸於

河，梁岐之東水歸于汾。此二山為汾川以西羣山自

北而南之脊，舉之以見汾西河東其地就治。太原則

見汾東之地就治岳陽在汾東沁西覃懷在沁東而南近河衝漳則漳水過臨漳而入河北注觀此數語冀州所宜治者全具于是不得謂壺口一役蕪及河西雍州也况韓城之梁山雖近河而謂北之岐山遠隔在漆沮涇水之西誠使趨漆沮涇水至于岐下則雍州自渭以北所當治者幾于備舉又于雍州言涇屬渭納漆沮既從荆岐既旅此三語為複文矣烏貢先分九州後復統記山川分者定其疆域合者見其條貫獨于發端之始以雍州山隸冀州何取乎先分後合示人以截然有限域者乃復清紊其間歟然謂

禹貢梁岐即今永寧州之呂梁孝義縣之狄岐亦有
未盡如淮出桐栢渭出烏鼠後人舉其枝山曰淮出
胎簪渭出南谷蓋古者統以一名後人往往隨地殊
稱今考赤碕孝文呂梁劉王岫諸山實一山之所盤
迴薛頡狄岐高堂玉泉諸山亦一山之所盤迴禹貢
之梁岐統名也今之呂梁狄岐特其中之一耳蔡仲
默書集傳亦取晁氏說而援據悉謬近聞百詩胡臚
明皆深于考訂者咸謂蔡傳為非固失在蔡氏不在
晁以道蔡傳一引爾雅左氏較梁證晉山宜屬冀州
蔡傳云爾雅梁山晉望即冀州呂梁也春秋梁
山崩左氏較梁皆以為香山則亦指呂梁矣 不知

春秋時自魯文公十年晉人伐秦取少梁梁山由是
入晉迨後三晉既分自河以西瀆于洛猶屬魏地少
梁之梁山實河西大山故晉望祭之列國所望祭山
川及晉河東望祭之山爾雅絕不一言而獨曰梁山
晉望也正以河西近秦故特表之成公五年梁山崩
壅遏河三日不流晉君召伯宗而問為皆非離石呂
梁一引呂覽蔡傳云呂不韋曰龍門未聞語出尸子
淮南鴻烈亦襲之所稱呂梁未鑿雖後人失其所在
而離石縣之呂梁西距河百五十餘里隔越重山不
瀆于河無事疏鑿也一引酈道元水經注蔡傳云酈
道元謂呂

梁之石崇竦河流激盪震動天
地此為禹治壺口乃治梁也其本文云河水左合
一水出善無縣故城西南八十里
善無故城在今朔平府右王縣南
西流歷于呂梁之山而為呂梁洪其巖層岫衍澗曲
崖深巨石崇竦壁立千仞河流激盪濤涌波袞雷奔
電洩震天動地昔呂梁未闢河出孟門之上蓋大禹
所闢以通河也司馬彪曰呂梁在離石縣西今干縣
西歷山尋河乃無遏阻至是為河之巨險即呂梁矣
在離石北以東可二百有餘里後人以河曲縣西南
二十五里之天橋峽為道元所謂呂梁洪就水經注
自北而南之次考之地望適協其地有禹鑿之跡河

自故棗勝州境轉而西南流八十里至河曲縣西北
轉而西流九十里逕天橋峽下至保德州西五十里
折而南逕興縣西又南百七十里至臨縣界道元言
呂梁洪在離石北以東可二百餘里蓋據河至離石
縣界為言因西流乃轉南故曰以東其指天橋峽無
疑司馬彪言呂梁在離石縣西者即今永寧州北之
呂梁徒因離石縣有呂梁山而河行離石之西故云
在縣西實未深考之言道元引而辯之則以離石西
界河無遏阻故溯流而上以求其地是道元以尸子
呂覽淮南所言呂梁不在離石而遠在其北也蔡氏

援以證呂梁在離石正與其說相刺謬宜乎百詩臆
明不之取耳

黃櫨之南勝水所出曰岐山

黃櫨嶺在汾陽縣西六十里永寧州東百有五里東
魏武定中齊獻武出北道度赤碕嶺斛律金為南道
軍司繇黃櫨嶺出與之會前代嘗置關嶺上憑高為
固岐山在孝義縣西百里一名孤岐西接寧鄉縣界
北連薛顏嶺接汾陽縣界其南坳曲間曰盤重原原
東谿澗俗呼曰北川東入勝水由原左轉連岡而南
曰高唐山東北距孝義縣治七十餘里其南麓谿澗

俗呼南川逕故六壁府北東入勝水唐武德二年置
高唐縣以山氏縣又連岡而南迤東曰玉泉山東北
距縣治六十餘里山之東北麓谿澗俗呼左水者是
為勝水逕故六壁府南又東合南北二川自薛頡至
玉泉實一山盤屈而下古通謂之岐山蔡仲默書集
傳言岐山在介休縣取山海經狄岐之山勝水出焉
而東北流注于汾水者綴其下又引鄴道元水經注
蔡傳岐山在今汾州介休縣狄岐之山勝水所出東
北流注于汾鄴道元云後魏于狄岐置六壁防隴石
諸胡因為大鎮今六壁城在按之本文乃云勝水西
勝水之側實古河逕之險阨

出狄岐之山東逕六壁城南魏朝舊置六壁于其下

防離石諸胡因為大鎮勝水又東合陽泉水川即南又
東逕中陽故城南又東合文水文水又東南入于汾
中陽故城即孝義縣治是山海經水經注之狄岐在
今孝義縣西宋熙寧五年省孝義入介休元祐元年
復置孝義縣至仲默時已為金地無所廢置當據元
祐以後言在今汾州孝義縣不當據前此熙寧元豐
十餘年間繫之介休也今介休東南洪山俗以為狄
以其泉源俗亦呼為勝水則
隔越汾水無所謂六壁
且去中陽故城甚遠其下言今六壁城在勝水之
側實古河逕之險阨意以六壁城為防守西來渡河
而東之津要不知北魏初河東岸離石吐京之地萬

山簇擁悉匈奴五部餘衆所居憑恃山險未能即平
至狐岐以東汾川左右地勢坦平連接太原本漢太
原郡地故于此置六壁立為鎮戍以防狐岐以西黃
河以東山寇西距黃河二百餘里不可謂為河遼之
險既呂梁狐岐之西始為今臨縣永寧州及寧鄉石
樓山在四州縣之東而蔡氏云二山河水所經治之
所以開河道也將置此四州縣峻峰鉅嶺萬山簇擁
者于何地乎然山海經言勝水注于汾而水經注言
注文水則因汾川東西轉徙驗之近事數年以前原
公水以下諸谿澗皆自達汾水不與水經注協今則

皆入文水一如道元所見余以己丑年遊其地登呂
梁黃樞詳頡狝岐及汾東縣山親所經見乃恍然雋
貢之文惟壺口屬治河餘則治汾沁漳潞暨其間諸
山澗谿谷閭百詩尚書古文疏證云壺口在吉州西
七十里與河津縣西北三十里之龍門相連河津縣
近河岸
之山與壺口山中
隔邪水不為相連與隔河之梁山對峙經文遂連類
而書實有出于某州某山常例之外者胡肱明禹貢
雖指云治梁所以終壺口之事除河患也其遂及岐
者何蓋治梁已畢若身遽渡河而東則東方之事正
多不能遽還治雍當在數年之後而梁岐之間其於

帝都事勢當日必有甚切而不容緩者故治梁之餘
兼便施功及岐而止又洪水初平艱食未奏冀田廛
第五等而梁岐之間去帝都最近田既膏腴轉輸又
便禹甸梁山之野通渭水之漕其為帝都艱食計也
切矣及岐而止者蓋岐西地高印洪水不為災而東
方事急亦無暇西略故也二君咸申龜說以梁岐為
雍州山夫禹首先分別九州初非于其間又帝合治
水之先後緩急也使冀州施功西燕及雍且遠踰潞
沮涇水而西不啻大半治之則南亦可燕及豫東亦
可燕及兗豈無相連之勢施功同時者乎至推言雍

便輸論蓋密而蓋鑿矣

西望孟門來東河流曰壺口

山在吉州西南七十里河西則陝西宜川縣東南二十里之孟門山也漢志河東郡北屈故城然則山當在其西南作東南今州東北有北屈故城然則山當在其西南作東南誤也水經注河水南逕北屈縣故城西四十里有風山上有穴如輪風氣蕭瑟習常不止當其衝所略無生草風山西四十里河南孟門山

河至此逕東故謂右

岸為淮南子曰龍門未闢呂梁未鑿河出孟門之上大溢逆流無有邱陵高阜滅之名曰洪水大禹疏通

謂之孟門孟門即龍門之上口也實為黃河之鉅阨
此石經始禹鑿河中漱廣夾岸崇深傾崖返捍鉅石
臨危若墜復倚其中水流交衝素氣雲浮往來遙觀
者常若霧露沾人窺深悸魄其水尚崩浪萬尋懸流
千丈渾洪鼎怒鼓若山騰瀟波頽壘迄于下口元和
郡縣圖志汾川縣故城在今宜川縣東七十里黃河在縣北七里
河岸頓狹狀似槽形鄉人呼為石槽蓋禹治水鑿石
導河之處石槽長十步闊三十步懸水奔流龍鬣魚
鼈所不能游

汾水之左自燕京別而東南漳水所出曰火山

山在樂平縣西四十里其南谷曰大要谷東北距縣
治二十五里沾水出沾嶺東入潯沱同過水出陡寨
嶺西入汾皆火山北嶺也山海經火山清漳之水出
焉淮南子曰清漳出揭戾山高誘注山在沾縣漢志
上黨郡沾大要谷變古腰字謬
作宛者非清漳水所出說文清
漳出沾山大要谷今樂平縣西南三十里有沾縣故
城水經注清漳出沾縣故城東北俗謂之漳山其山
亦曰鹿谷山水出大要谷南流逕沾縣故城東元和
郡縣圖志太原府樂平火山一名河逢山在縣西南
三十里

右轉歷轅武而西少水所出曰謁戾之山少水者沁水也

轅山在和順縣西北百二十里武山在縣西百二十里轅水出轅山武鄉水出武山皆南入漳二山判分如八字篆字記謂之八賦嶺西北至榆次縣亦百二十里山北之水入于同過水謁戾山在武鄉縣西百二十里西北接祁縣平遙縣西南接沁源縣一名麓臺山迤邐而西為縣山其北為介休縣西為靈石縣皆謁戾山也山海經謁戾之山沁水出焉漢志上黨郡穀遠羊頭山世靡谷沁水所出水經沁水出上黨

涅縣謁戾山元和郡縣圖志沁州縣上縣本漢穀遠縣地羊頭山一名謁戾山在縣東北五十里沁水所出寰宇記謁戾山一名麓臺山今武鄉縣西五十五里有涅縣故城沁源縣城南有穀遠故城縣北有縣上故城

沁西彘水所出曰霍山是為太岳中岳也

周官經冀州其山鎮曰霍山晉語宰孔曰景霍以為城而汾河涑澮以為淵山在今霍州東南三十里岳陽縣北九十里趙城縣東北四十五里沁源縣西七十八里北接靈石南抵洪洞山延袤八十里高百餘

文漢志河東郡曉霍太山在東今霍州即故飛縣水
經注汾水又南與彘水合水出東北太岳山禹貢所
謂岳陽也即霍太山矣讀史方輿紀要去霍山岢峩
險峻界并晉二州之間實控扼之要

歷東陘而南曰析城

東陘山在翼城縣東北六十五里沁水縣西北四十
里一名黑水嶺宇文周改曰烏嶺嶺東之水入于沁
嶺西之水入于汾澮析城山在陽城縣西南七十里
漢志河東郡獲澤禹貢析城山在西南今縣西三十
里有獲澤故城水經注天井水出東陘山西南北有

長嶺嶺上東西有通道即鉞蹬也上澗水歷析城山
北山在獲澤南禹貢所謂砥柱析城至于王屋也山
甚高峻上平坦下有二泉東濁西清左右不生草木
數十步外多細竹元和郡縣圖志澤州陽城縣析城
在縣西南七十五里獲澤在縣西十二里寰宇記山
頂有湯王池俗傳湯旱祈雨于此今池四岸生龍鬚
綠草無林木

迤東沈水所潛曰王屋

山在陽城縣南八十里東至濟源縣亦八十里西南
至垣曲縣百里漢志河東郡垣禹貢王屋山在東北

沈水所出今垣曲縣東北二十里有故垣城括地志
沈水出王屋山頂崖下石泉停而不流其深不測既
見而為伏至濟源縣西北二里平地其源重發李濂
遊濟清記云舊記濟水出王屋山頂太乙池伏流地
中東行九十里復見于此其太乙池今亦涸矣

自東陘別而西泚水所出山曰清野

山在聞喜縣東南九十里俗呼小橫嶺東北接絳縣
南四十里之大橫嶺東接垣曲縣西北八十里之清
蘆山實一山也水經注泚水出清野山世人以為清
襄山也清水出清蘆山之西嶺世亦謂清營山

又西南曰薄山

山在夏縣東南垣曲縣西亦曰中條山山北為安邑
解州虞鄉永濟南為芮城一名襄山史記封禪書薄
山襄山也徐廣云蒲坂縣有襄山今蒲州府倚邽永
濟縣城東南有蒲坂故城水經注云涑水逕安邑故
城西城西南有鹽池上承鹽水水出東南薄山西北
流逕巫咸山北又云永樂澗水北至于薄山南流逕
河北縣故城西又云河水左合一水其水三源疏引
俱導薄山南流會成一川其三水之內世謂之閼原
今夏縣東五里有巫咸山縣西北十五里有安邑故

城鹽池在今安邑縣西五里解州東三里河北故城
在芮城縣東北里許閑原在平陸縣西十五里地志
分雲嶺在安邑縣西南四十里接平陸縣界中條山
最高處也橫嶺在解州東二十里跨安邑平陸二縣
界舊自安邑運鹽車由此視虞坂較近而徑險難行
其南通芮城曰耳汧嶺分雲嶺西二十里曰五龍谷
北至州城五里又西二十六里接虞鄉縣界又西二
十里曰王官谷分雲嶺東北為虞坂南達平陸北通
安邑東入夏縣界坂東為巫咸頂在夏縣東南五里
又東北三十五里接聞喜縣界山之南芮城縣北十

五里山陰石磴名百二十盤東接平陸縣界四十五里山狹而長西華嶽東太行此山居中故曰中條西抵河曲中雷水所出曰首山是為雷首

山在永濟縣南漢志河東郡蒲反雷首山在南水經注河水逕雷首山西山臨大河北去蒲坂三十里尚書所謂壺口雷首者寰宇記首陽山即雷首山南阜也

自轅武侯甲左轉涑水藍水潞水所出曰發鳩之山侯甲嶺在武鄉縣西北百里侯甲水出焉西北入于汾湟水出焉東南入于潞水經注胡甲山有長坂謂

之胡甲嶺卽劉歆遂初賦所謂越侯甲而長驅者也
蔡邕曰侯甲亦邑名也在祁縣發鳩山在今長子縣
西南五十餘里高平縣西北五十里一名鹿谷山一
名廡山北接盤秀嶺所謂發鳩之谷也嶺在屯留縣
西南八十四里亦曰鹿清山山之西水入于沁山之
東水歸于潞周官經冀州其川漳其浸汾潞後人以
漳為清漳潞為濁漳漢志上黨郡長子鹿谷山濁漳
水所出說文凍水出發鳩山水經注漳水出麓谷山
與發鳩連麓而在南淮南子謂之發苞山絳水出穀
遠縣東發鳩之谷謂之濫水東逕屯留縣故城南東

北流入于漳故桑欽云絳水出屯留西南東入漳魏
書地形志長子縣有廡山濁漳出焉寄氏縣有盤秀
崩藍水出其南北流合濁漳今長子縣城西有故長
子城屯留縣西十里有故屯留城縣西南七十里有寄
氏故城桑欽所稱絳水漢志載其說今本譌作入海
後人多以此水附合禹貢之降水非也此即藍水耳
寰宇記長子縣鹿谷山冀州圖云山在縣西有大道
入壺口東出達襄國壺口關在長治縣東南十六里西登奚斯鉅嶺
以達河東陁阻千里

其南沁水東丹水西曰太行

山在鳳臺縣南三十里河內縣北二十里山脈北連
發鳩西以沁水為界東以丹水為界昔人謂太行連
巨河北諸州非也漢志河內郡埜王太行山在西北
上黨郡高都莞谷丹水所出東南入泣水有天井閼
埜王即今河內縣高都故城在鳳臺縣東北天井閼
在縣南值羊腸坂之北左氏春秋齊侯為二隊入孟
門登太行孟門丹水所經在鳳臺縣東三十五里所
謂殷紂之國左孟門右漳沚是也戰國策范雎曰北
斷太行之道則上黨之師不下金史地理志濟源縣
有太行山以沁水為界西為王屋東為太行考河北

八徑起西南迤而東北一曰軹關徑在濟源縣西北十五里當軹道之險史記蘇秦說趙曰秦下軹道則南陽危是也縣南十三里有軹縣故城次二曰太行徑在河內縣西北一名丹陘當羊腸坂之險蔡澤所謂決羊腸之險塞太行之口鄰食其所謂杜太行之道者也元和郡縣圖志懷州河內縣太行陘在縣西北二十五里闊三步長四十里羊腸所經瀑布懸流實為險隘次三曰白陘在輝縣西五十里接修武縣界或言白陘在解州東南十五里水經注鹽池山海經鹽販之澤也澤南面層山天巖雲秀地谷淵深左

右壁立間不容軌謂之石門路出其中名之曰徑南通上陽北暨鹽澤元和郡縣圖志解縣通路自縣東踰中條山出白徑趨陝州之道也此徑舊志無作徑者不必列為八徑之一次四曰渣口徑在武安縣南三十里與磁州接界元和郡縣圖志磁州渣陽縣鼓山亦名渣山在縣西北四十五里渣水出焉泉源奮涌若渣水之湯故以渣口名之八徑第四曰渣口徑山嶺高深實為險阨讀史方輿紀要云渣口為自鄆西出之要道次五曰井陘在井陘縣東北五十里與獲鹿縣接界李左車謂井陘之道車不可方軌騎不

得成列者也。呂氏春秋九塞之一。元和郡縣圖志。獲鹿縣井陘口。今名土門口。在縣西南十里。次六曰飛狐。陘在廣昌縣北二十里。路達宣府。大同商旅畢集。水經注。祁夷水東北得飛狐谷。即廣野君所謂杜飛狐之口也。魏土地記曰。代城南四十里有飛狐關。元和郡縣圖志。蔚州飛狐縣。飛狐道自縣北入。媯州懷仁縣界。即古飛狐口也。次七曰蒲陰。陘在易州西八十里。亦曰子莊關。西南去廣昌縣百里。趨宣府。大同並四百七十里。凡小大隘口百有五。所水經注。子莊溪水北出。子莊關是也。宋謂之金陂關。金名紫荆關。

次八曰軍都陁在昌平州西北四十里南口城去州二十五里自南口而上山夾一澗十五里為関城又八里為上関有小城又十七里至八達嶺下視居庸関勢若建瓴元人以此為居庸北口嶺北至延慶州三十三里呂氏春秋九塞之一也漢志上谷郡居庸有関居庸故城在今延慶州東水經漂餘水出上谷居庸関東注云関在沮陽城東南六十里居庸界故関名矣其水導源関山南流歷故関下谿之東岸有石室三層其戶牖扇扉悉石也蓋古関之候臺矣南則絕谷累石為関垣崇墉峻壁非輕功可舉山岫層

深側道褊狹林障遼險路才容軌曉禽暮獸寒鳴相
和羈官遊子矚之者莫不傷思矣其水歷山南逕軍
都縣界又謂之軍都關續漢書曰尚書盧植隱上谷
軍都山是也其水南流出關謂之下口水流潛伏十
許里軍都山在今昌平州西北二十里懷來縣南五
十里北齊改居庸關曰納款關唐十道志居庸關亦
名薊門關軹關之山與太行之中隔沁水其山脈來自
太岳白陘之山與太行之中隔丹水其山脈自發鳩
別而東井陘滏口之山與白陘中隔漳水其山脈自
清漳之源沾嶺別而東飛狐蒲陰之山與井陘中隔

潯沱其山脈來自北岳軍都之山與蒲陰中隔桑乾
水其山脈自大同府之外陰山別而東太行之名有
顯著故稱太行八陁爾雅山絕陁蓋兩山中絕以成
隘道也元和郡縣圖志引述征記曰太行山首始於
河內北至幽州凡有八陁後代史志地記多本其說
於軹關已北軍都已南諸山槩目以太行其亦不達
於理矣